



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis qui excommunicati moriuntur. li.

urn:nbn:de:hbz:466:1-10722

D. BVRCHARDI EPIS. VVORMAC.

De illis qui excommunicati moriuntur.

Caput L I.

Ex eodē, cap. 11. **S**i aliquis excommunicatus fuerit mortuus, qui iam sit confessus, & testimonium habet bonū, & non poterat venire ad sacerdotem, sed praeoccupauit eū mors in domo, at in via, faciant pro eo parentes eius oblationem ad altare, & dent redemptionem pro captiuis.

De eadem re. Cap. L II.

Ex epist. Leonis p̄a p̄e, ca. 21. **H**orum causa Dei iudicio reseruanda est, in cuius mōnu fuit, ut talium obitus vsq; ad communionis remedium non differretur. Nos autem quibus viuentibus non communicauimus, mortuis communicare non possumus.

De furib⁹ & furtis. Cap. L III.

Ex dictis August. **D**ixit dominus ad Mosen: Accipiat vnumquisq; à proximo, & proxima vasa argentea, & aurea, & vestes &c. Non hinc quisque exemplum sumendum putare debet ad expoliandum proximū, hoc enim Deus iussit, qui norat quid quemq; pati oporteret. Nec Israëlitæ fecerūt, sed Deo iubenti ministeriū præbuerunt, quemadmodū quoniam minister occidit eum, quem index iussit occidi.

De eadem re. Cap. L IV.

Ex dictis eiusdem. **P**oenale est occulte auferre, multò maioris pœnæ est visibiliter eripere. Auferre ergo nolenti, siue occulte, seu palam, habet præceptum suum. Furti enim nomine pernè intelligitur omnis illicita usurpatio rei alienæ. Non enim rapinam permisit, qui furtum prohibuit, sed subfurti nomine rapinam intelligi voluit. A parte enim totum significauit quicquid auferetur.

De eadem re. Cap. L V.

Ex dictis Hierony. **F**uror autem non solum in maioribus, sed in minoribus etiam iudicatur. Non enim quod furto ablatum est, sed mens furantis attenditur: quomodo in fornicatione, non idcirco diuersa sit fornicatio, si mulier pulchra aut deformis, ancilla aut ingenua, pauper aut opulenta: sed qualunque illa fuerit, una est fornicatio. Ita in furto, quantumcunque quis abstulerit, furti crimen incurrit.